



# 杭州运河文献集成

(第五册)

孙忠焕 主编

杭州出版社

## 图书在版编目(CIP)数据

杭州运河文献集成·第五册 / 孙忠焕主编. —杭州:  
杭州出版社, 2009. 2

ISBN 978-7-80758-183-3

I. 杭... II. 孙... III. ①大运河—文献—杭州市  
②杭州市—地方史 IV. K928.42 K295.51

中国版本图书馆 CIP 数据核字(2009)第 011559 号

# 杭州运河文献集成

孙忠焕 主编

- 
- |      |   |
|------|---|
| 责任编辑 | 钱登科 丁国志 林发标   |
| 封面设计 | 赵 辛   |
| 出版发行 | 杭州出版社 <a href="http://www.hzpbs.com">www.hzpbs.com</a><br>(杭州市曙光路 133 号 310007 0571-87997719) |
| 印 刷  | 杭州富春印务有限公司  |
| 制 版  | 杭州求是图文制作有限公司  |
| 经 销  | 新华书店  |
| 开 本  | 880 mm×1230 mm 1/32   |
| 字 数  | 2500 千  |
| 印 张  | 106.625   |
| 版 次  | 2009 年 2 月第 1 版   |
| 印 次  | 2009 年 2 月第 1 次印刷   |
| 书 号  | ISBN 978-7-80758-183-3  |
| 定 价  | 450.00 元(全五册)   |

版权所有·侵权必究

(如有印装质量问题,请与本社发行部联系、调换)

## 第五册总目

- 临平记 ..... 沈 谦(1)
- 临平记补遗 ..... 张大昌(97)
- 临平记再续..... 陈 棠 姚景瀛(229)

# 临平记

[清]沈 谦 撰稿  
徐吉军 标点  
魏得良 审校



## 说 明

《临平记》四卷，清沈谦撰。

沈谦(1620—1670)，字去矜，号东江子。浙江仁和(今杭州)临平人。明诸生，少颖慧，据说六岁即能辨四声。长于诗，亦擅古文。为“西泠十子”之一。入清，以医为业。著有《东江集抄》、《杂说》等。

《临平记》四卷，所记内容自汉至元，分《事记》二卷、《附记》一卷、《诗记》一卷。附录不分卷，为沈谦编纂此志时所征集里人所撰之《临平三十咏》，是咏临平风物的诗作。

《临平记》所辑凡一百余条，分年记事，为乡镇志中的创例。本志有清顺治五年(1648)刊本，又有清光绪间丁丙刊《武林掌故丛编》本等。此书付梓据《武林掌故丛编》本标点。

## 序

临平乃浙杭一乡聚耳，界于仁和、海宁二县，其地有黄鹤、白龙、桐鱼、宝鼎之胜，产灵育秀，郁为名区。予自戊寅首春，应献廷沈公之招，命其幼子谦从予游，朝岚夕月，澹茗论文者，四易寒暑，游履所至，竟日忘归，愧予潦倒不文，无能一振山川之色。甲申冬月，以事至临平，谦且疏古事古诗，称《临平记》，其书自汉至元凡四卷，曰事记二，附记一，诗一。搜剔甚艰，辨论亦博，准之陈风信古之义，良有取焉。予故戏之曰：“男子始生，以弧矢射四方，否则研京炼都，昌大其文，何乃局于方域，考核不出里巷？”对曰：“谦闻之先生矣，修齐本于诚正，不亦引而近之乎！”予无以应。嗣后舟车南北，会晤甚希。今年以祝其母氏，复来谦家，里中诸公方谋剞劂此书，余以弁言见属，予遂乐而述其始末，以见谦淹雅之才，及诸公好义之笃，东江文献赖以弗亡，苟充其用，当未知其止，而乃以割鸡薄之，亦予之失言也已。

顺治戊子新秋，盐官友祝文襄锦川氏撰。



## 目 录

序 .....	祝文襄(4)
临平图 .....	(7)

### 卷之一

事记第一 .....	(9)
------------	-----

### 卷之二

事记第二 .....	(28)
------------	------

### 卷之三

附记 .....	(43)
----------	------


### 卷之四

诗记 .....	(61)
----------	------

附录 .....	(81)
----------	------







# 临平记卷之一

## 事记第一 后汉延熙至宋宣和止。

谦曰：负才之子诡，而撰为海荒寥渺之书，吊诡无稽，使人惊怖，而闻见或反蔽于乡里，亦可叹矣。谦生于临平，春秋二十有五，輿图边塞诸书，咸刘览焉，及出门瞻顾，而巷道径庭，亦有不辨其源委者，每每自失。因择采旧文，研几古志，编年纪事，辑为《临平》一书，自汉至元，凡百有六则，窃附论焉，亦反约之意也。然井蛙拘虚，夏虫笃时，负才之子，必有起而笑者，听之矣。

又曰：谦作《临平事记》而有慨焉。夫临平一镇也，僻在杭郡之东，地不满十里，户不满万人，以视天下之大，不几稊米之在太仓乎！欲纪其事而传之，盖难矣。然载在简册，勒诸金石者，班班可考也。或灾祥有关于兴亡，忠邪乃系乎治乱，乘輿之所至，兵革之所加，准之古法，例皆得书。至于浮屠之岁月特详，则循彼旧传，漫为论列，非敢崇长异途，有伤文献也，谦于此不无有遗憾焉。

又曰：京都之作，类皆夸其山川，美其风俗。谦于临平纪事，盖无去取焉，善者固可率由，恶者亦资儆鉴，临平人固当知之，天下人亦不外于是矣。

又曰：自后汉延熙，迨亡元至正，历千余年，而得事止此，可谓少矣。然以一隅论，较之他镇，犹灵著焉。且记中可以为劝诫者，往往而有，所谓一巷之市、一卷之书，览者或能寻其说，而不至鄙夷也夫。

又曰：单寒之家，缥帙不备，险奥之地，采访未详，传疑疏略，诚不一而足矣。后有志临平者，为余补阙订讹，余厚幸也，临平厚幸也，所谓糠秕在前，用深渐恧耳。

又曰：漆园有言：六合之外，圣人存而不论；六合之内，圣人论而不议。况乡里之间，孔子恂恂，容置喙乎？然感发兴起，不能无言，每于事后，笔记数语，亦以自书其所见耳。古云：愚者千虑，必有一得。幸勿以谦颡愚而弃之可也。

又曰：谦撰此书，经始于崇祯癸未三月，告成于甲申十二月，岁凡再阅，稿用三更，其间或困于疾厄，或疲于乱离，墨突孔席，几无一息之暇。每当兵火仓卒中，辄恐此稿散失，乃于愁病之余，勉竣厥事，故凡考订论议，卒多未备焉。

又曰：吾里郭太学绍孔家有书仓，人称学海，年且七十矣，与谦为忘年友，凡记中事迹，间赖访求，书成而志之，固不欲贪其功，尤不忍没其才也。

后汉后皇帝延熙十二年吴主权赤乌十二年夏六月，吴宝鼎出临平湖。《吴志》：赤乌十二年六月戊戌，宝鼎出临平湖。○郡事记事：在吴赤乌十二年十二月。

谦曰：观子华子之辨，则黄帝之神鼎，乃中和之喻也，后世之主好高慕大，侈为祥瑞焉。即周王尚迁于洛邑，汉帝犹见于汾阴，况仲谋乎！然考《晋中兴书》曰：神鼎者，乱则藏于深山，文明应运而至。仲谋即雄霸，亦安知不为孙氏哉？然王孙满

对楚子曰：在德不在鼎。则又不能为权解矣。

又曰：按诗余有“宝鼎现”题，盖取临平湖事。郭绍孔《词谱》、毛先舒《填词名解》尝引为据。《南曲谱》用作引子，名“宝鼎儿”，误。

晋世祖咸宁元年，吴主皓天玺元年，吴临平湖出石函，吴主改明年为天玺元年，大赦。《吴郡志》：临平湖边得一石函，中有小石，青白色，长四寸，广二寸余，刻其上作“皇帝”字，孙皓于是改元为天玺元年。孙盛以为元皇中兴之特征，五湖之石瑞也。○《吴书》于是改元大赦。

谦曰：印发改元，一见于临平，再见于历阳，此吴主信瑞之过也。呜呼！上好祲祥，亦何所不至哉。

晋世祖咸宁二年，吴主皓天玺元年秋八月，吴临平湖开。《纲目》：吴人或言于吴主曰：“临平湖自汉末岁塞，长老言湖塞天下乱，湖开天下平。近者无故忽开，此天下当太平，青盖入洛之祥也。”吴主以问都尉陈训，对曰：“臣止能望气，不能达湖之开塞。”退而告其友曰：“青盖入洛者，衔璧之事也。”○《晋书·五行志》：吴孙皓天玺元年，吴郡临平湖自汉末秽塞，是时一夕忽开除无草。长老相传，此湖塞，天下乱；此湖开，天下平。吴寻亡，而九服为一。

书法曰：书讖也。吴亡距此四年耳，君臣上下方以为祥焉，下书晋加羊祜征南大将军。《纲目》之垂戒深矣。吴临平湖开而吴亡，陈临平湖开而陈灭，卒不过三四年耳，变不虚生，信哉！

发明曰：孙皓淫刑乱杀，罪浮于桀，而湖开印发，夸以为

瑞，书之亦以著其狂悖，不知灭亡之兆云耳。

田汝成《西湖志余》曰：杭城之水皆东北向，而输委于临平，盖地势使然也。水口浩散，得皋亭山为之遮拦，故气脉不解。又东北为临平山，其下为临平湖，吴赤乌十二年，宝鼎见湖中，因称鼎湖。又得小石，刻“皇帝”字，因改元天玺。晋武帝时，占者谓临平湖塞天下乱，湖开天下平。湖又杭州王气所关也。

谦曰：瑞应之事，自古有之，大要山崩河竭，实为告凶，岁塞开除，允称协气，鼎革之际，必有所属。《易》曰：“视履考祥。”当问其主德何如耳，何致诬于兹湖也。

晋显宗成皇帝咸和三年夏五月，义兴太守顾众表临平范明为参军，寻遣攻贼，破之。《晋书》：众与虞潭将姚休遇贼将张健，战败，还守紫壁。时贼党方锐，义军沮退，人咸劝众过浙江。众曰：“不然。保固紫壁，可得全钱唐以南五县。若越他境，便为寓军，控引无所，非长计也。”临平人范明亦谓众曰：“此地险要，可以制寇，不可委也。”众乃表明为参军，明率宗党五百人，合诸军凡四千人，复进讨健，健退于曲阿。

谦曰：余读《晋书·顾众传》，得临平范参军一人，是吾里人物之首也。方众之还守紫壁，鲜有不劝其渡江者，而明独不可，其熟于经济、坚于断决，与众同智矣。苏峻之乱，卒赖以平。明固能副知己之望，众亦遂食知人之报哉。

安皇帝元兴二年冬十月，钱唐临平湖水赤。《晋书》：元兴二年十月，钱唐临平湖水赤。桓玄讽吴郡使言开除，以为己



瑞。俄而桓玄败。○《钱唐记》：桓玄之难，临平湖水色赤，荧荧如丹。

谦曰：水变，占曰：水化为血者，好任残贼，杀戮不辜所致也。灵宝不自省悟，止其逆谋，而尚欲开为已瑞，颠倒悖乱，壹至是哉！天子之贼，卒为冯迁所杀，征也夫！

十二月，桓玄诈言临平湖开，即皇帝位。《纲目》：玄表请归藩，使帝作手诏固留之，诈言钱唐临平湖开，江州甘露降，使百僚集贺，为已受命之符。○《晋书》：玄谓代谢之际，宜有祯祥，乃密令所在，上临平湖开除清朗，使众官集贺。矫诏曰：灵瑞之事，非所敢闻也，斯诚相国至德故事为之，应太平之化，于是乎始六合同悦，情何可言！○《纲目集览》：钱唐临平湖开。钱唐，今杭州。是州北有大湖，上有临平镇，即其地也。○《一统志》：临平湖在杭州府城东北六十里，旧名鼎湖，自汉末壅塞，晋咸宁中复开。父老相传云：此湖开，天下平。故名临平。

谦曰：临平瑞应，历有奇征，然有德者足当之耳。即荒主恃之，反以致败，岂诈称惑众，而能长逞逆乱哉！其智出皓、宝下矣。

义熙十二年，建华严院于临平。《武林梵刹志》：广严寺在临平镇西，前挹鼎湖，后踞邱山，水木清茂，烟云掩霭，杂与氓廛、贾区相接，而喧嚣不闻。按图志，旧名华严院，通所建，以奉华严者。

陈后主陈叔宝至德二年冬十一月，临平镇沉为湖，御史胡敏请建佛寺，从之。胡潏《明因寺碑记》：临平镇距郡城东北五十余里，有尼寺曰明因。按宋《咸淳志》：陈后主至德二年仲冬